

928
セ
12

誠

齋

集

一
二



誠齋集卷第四十七

廬陵楊

萬里

廷秀

表

謝復直秘閣表

守地云何良外庸之善狀自天有隕復中秘之榮
名敢云舊物之反躬允出新君之加惠臣中謝伏
念臣少也猶介老而頓頑非不知與世而同波明
哲無忤既未能枉道以合輒退休則宜詭民社以
西征寢山林之幽屏聖人復起品物咸亨覆載無
私豈獨軫遺簪之舊日月所照亦何有覆盆之偏



茲蓋伏遇 皇帝陛下始初清明德澤洋溢十行
一札雷厲風飛四海九州陽開陰閉展如孤遠與
被昭蕪臣敢不銜戢寵光策磨衰病假以歲月畢
輸宣布之勤歸于丘園於樂隆平之化

謝宮寮轉兩官表

御天介賚已增一秩之優儲諫廣恩亟拜兩階之
寵邦榮狎至心震靡寧中謝伏念臣生而一寒仕
亦三已晚際乾坤之真主獲依日月之末光當高
鴻橫海之秋臣幸陪於羽翼及飛龍在天之且臣
自隕於風雲夫何皇極之尊尚記義華之舊前焉

孤介紛此榮懷冒之則無翅運之則為異
衆之行曹衡偕命既並受於王明黃綺終辭敢獨
為於君子茲蓋伏遇 皇帝陛下唯天為大如日
之升鳳已冲霄未弭忘攀附之雅蛇斯入宇不遐
棄賤微之畸臣敢不載冊乃心益素其履雖夕膳
已迫寔收耕釣之餘生然朝露未先不疾糜捐之
義死

進和 御製賜進士余復詩狀表

鈞天廣樂秩有踐之初筵雲漢為章責思皇之多
士湛恩至渥隆禮惟新臣中謝恭惟 皇帝陛下

樂育英才旁招俊乂君子有酒多且肯間以筮鋪
聖人之言遠如天馬之瑰瑛情文双止懷感萬斯
臣等典校簡編均霑慈惠慶霄在上與被昭回之
光儒館獻歌敬修賡載之職

謝 御寶封回自劾表

需章再瀆力請祝釐之官聖筆游頒俾安典校之
職歸然恩重沱若涕零臣某 中謝 伏念臣行能空
虛經術淺薄山哦浦咏未閑華國之文蟹踪螳剛
烏識立朝之體屬緣撰述之拙自列投劾之辭蒙
天日之龍光渙雷風而響吞惟君父待小臣之禮

前比所無舉措紳皆拭目而觀盛時創見誰謂表
朽所能克堪茲蓋伏遇

皇帝陛下乾覆博臨離明洞照憐臣老而幸會親
逢賓日之清明知臣野而朴忠未聽客星之漁釣
臣迫於威命恪所居官危跡難安少緩東門之車
馬踰時申控終采南山之蕨薇

江東運副謝到任表

依日瀛洲沆無補報觀風江渚遠有光華職超七
閣之先境入六朝之勝庵洪所被縣薄何堪臣某
中謝 伏念臣資未有奇學亦寡要蚤粗聞於先哲

耻隨在於凡民學之而欲行之每懷徇國老矣無
能為矣非曰忘君屬緣昏嫁之逼人輒控封章而
丐外自天從欲將指于征爰陞華於小龍俾給餉
於流馬篆金浮璧仰淳化之寶書炊玉連檣下陪
京之水漕茲蓋伏遇 皇帝陛下丕承舜授廣運
禹思居九重之靚深所憂民瘼擇十道之採訪以
布寬條夫何表違亦在臨遣臣敢不慰彼黎庶周
爰咨諏九郡旱乾要令鴻鴈之集百吏清濁當謹
羊狼之分既竭歲時之宣勞終祈田里之歸老

辭免贛州得祠進職謝表

謝病摧頽尚賦珍臺之籙屬文論讓復起延閣之
班上無棄人下則徼福臣 中謝 伏念臣老不事事
才非奇奇三聖旁招蚤隨鷲廷之數初潛稼附晚
參鶴禁之僚方衆賢依乘風雲之秋乃微臣僵卧
山林之日把麾江海此朝士之榮光麗日崆峒亦
詩人之佳郡矧席過家之寵曾微待次之淹夫何
右臂之偏枯虛辱左符之重寄陳力就列不能者
止投閑置散乃分之宜顯天以聞伏地而俟閱勞
均佚仁不遐遺進律示褒禮亦異數茲蓋伏遇
皇帝陛下篤叙故舊惠茲罷癘軫少原之遺簪是

將厚俗存子方之老馬非取長塗而臣蕭然卧病
行矣歸盡燭青藜而談古豈復與英俊游立自茅
而祝釐尚能使聖人壽

謝除特授煥章閣待制表

竹宮望祭游綴奉瑄之司松殿通班復塵持橐之
選走循牆而莫避進谷以違寧戴仁不貲感涕有
隕臣中謝恭以高皇之淵懿煥乎堯帝之文章森
天上之寶書度露下之玉宇河浮出太極是生於
兩儀雲漢昭回乘光下飾於萬物次對有列非賢
不居如臣者少而才踈老以病去逢聖明之未舊

丞號召以拔淹顧以有采薪之憂遂違不俟駕之
禮逃刑已幸即拜更優久歸守東岡之陂扁舟載
月忽夢入西清之序榮光屬天茲蓋伏遇

皇帝陛下聖孝通神仁恩詔物念吾父有所愛之
大而況於人謂微臣如遺野之蛇未旌其隱曾是
正元之朝士得見會昌之新春告厥臣工昭其德
意臣敢不吉蠲若屬顯相必齋仰瞻奎壁之芒寒
俯嚴香火之尊奉弱水三萬恍親銀闕之雲大椿
八千祝為黃屋之壽臣無任感天荷聖激切屏營
之至

賀郊祀大禮赦書表

惟皇作極禮再舉於明禋見帝於郊躬八觚之肇
祀備成熙事敷錫庶民臣某中謝竊以儲精穆然
斯格神明之感有孚顯若乃來郊廟之驪偉上聖
之勃興赫稜容之於鑠乘觀臺之日至款泰時以
星陳嘉薦令芳衆樂融冶乾端呈露月穆穆以金
波神來宴媿靈齋裔其風馬一人慶賴百姓昭明
恭惟 皇帝陛下德牟往初恩被動植克綏先王
之祿祀以配天故得萬國心告于后帝均受釐之
萬壽式歸昨於三宮臣老矣山林邈焉天日奉璋

左右有勳薪樵之詩銷玉激揚願上休成之頌

謝郊祀大禮進封開國子食邑表

帝望竹宮慶侈兩圭之祀子執教璧恩陞五王之
班仰在上以高高俯臨深而戰戰臣中謝竊以輝
胞翟閭之畀匪勞不讎公侯伯子之封可輕以假
而臣老歸粟里病卧漳濱逢天子親郊之初隔諸
侯助祭之後籩豆維旅顧何力於駿奔土田附庸
乃不切而下拜茲蓋依遇 皇帝陛下唯天為大
如日之外受命穆清載欽柴之燎湛恩汪濊溥
將枯木之榮臣謝生不賢矢死無實歸羨報上願

賡小雅之章助頌自天永祈大有之吉

謝致仕轉通議大夫除寶文閣待制表

請老而瀆再三始蒙制可增秩而職四等重拜恩隆敢圖暮景之桑榆倍費慶霄之雨露臣中謝伏以漢歸旣傳茂聞及嗣之文唐遣孔戣且乏留資之養未有國朝之仁惠曲全臣子之行截自祖宗而相傳至明聖而彌篤如臣淺陋首被厖洪年已至而呼天數斯瀆矣王留行而曠月久而聽之若不得已而乃從且無不盡其加厚豈唯老馬之用棄復許見舉而後行陟以文階之優進以寶儲之

峻雖卧野水白鷗之草未離春風玉笋之班大隱而乃隱於朝廷在外而如在於王室一命再命三命身及子以俱榮大書特書屢書言如綸而下飾油雲朝沛落木秋崩茲蓋伏遇 皇帝陛下所性乾坤之仁斯心父母之受念士之砥節也在進退不使其虧而上之待下也有始終必過其願遂假三錫以張四維臣餘生幾何大德不報歌頌盛業媿非雙宋玉之才壽富多男惟有萬堯年之祝

謝明堂大禮進封開國伯食邑表

惟皇有慶奉瑄玉於合宮日叟何功執躬圭而啓

宇三加厚矣重拜榮如臣中謝伏念臣已致為臣
猶進以律蓋以孝理天下者不遺於小國而有事
于上帝者或及於配林奄有龜蒙荒曾僖之錫土
益以邶斂覲晏子之辭封大德溥博以如天小心
進退而維谷茲蓋伏遇 皇帝陛下精禋燹載報
本祖宗祀乎明堂以教諸侯之孝光于四海故得
萬國之驩惠此翟閣燕及愆邁臣敢不礪乃末路
慨然永懷臣三千人同一心而報上伯七十里誓
九死以于蕃

謝除寶謨閣直學士表

聖謨新閣森天上之寶書法從崇班綴西清之學
士隨慶霄之異數賁山澗之遠臣戴恩不贊圖報
無所臣中謝恭以光皇之立極煥乎丕訓之詒謀
曰都曰俞禹無間矣有典有則宋其興乎此璇題
之造天乾坤闔闢截金匱而鑄玉雲漢昭回蓋簡
英竒以司文獻如臣者學焉將落老矣無能分甘
痼疾於煙霞敢夢末光於日月楓林楚水久違長
樂之鐘聲銀闕金宮忽近瀛洲之雲氣茲蓋伏遇
皇帝陛下慕親如舜對食見堯謂臣在胎考之
廷嘗陪鴻鵠之羽翼俾臣聯柱史之職盡護龜龍

之圖書而臣歷事四朝茂聞寸効媿彼十八仙之
盛以文辭鳴惟茲三萬歲之呼使聖人壽

謝賜衣帶表

瀛洲方丈驚頭白以初登內帛宮衣偕腰黃而並
受迺九重之異數非八柄之尋章自天有來踏地
而偃臣某中謝茲蓋伏遇 皇帝陛下典嚴在筭
惠篤薦紳軫仲由之溫袍錫之三服惻啓期之帶
索束以兼金而臣感恩不貲圖報無所茂然絲薄
多慚疊雪之香蒲雨摧頽第怯萬釘之寶

謝郊祀大禮進封廬陵郡侯加食邑表

觚壇饗帝奠助宵衣之勤梓里建侯惠徼畫繡之
寵家有即拜巷無居人咸謂煙波之釣徒亦錫山
川而啓宇臣某中謝竊以士伯之賞瓜衍地豈故
鄉買臣之守會稽位非列爵小臣何者異數兼之
茲蓋伏遇 皇帝陛下興禮從周由仁蹈舜郊祀
天地式尊祖而敬宗聲教朔南溥行慶而施惠而
臣功無橫草恩與分茅執以信圭誦三復斯言之
玷佩之侯印肩萬邦維屏之忠

謝以長男長孺官係陞朝該遇郊祀大禮
封叙通奉大夫表

白鳥九子天矜反哺之情丹鳳十行兩施流根之澤永錫甬類以及其親臣某中謝竊以神祖建宮元豐改制有若右光祿之秩實視小司寇之聯非考績與異恩豈僭賞而厯授如臣所履久挂其冠巢由外臣不在翟閭之數堯舜行德尚同仁壽之民赫然龍光飾是駑蹇茲蓋伏遇 皇帝陛下孝通燾載恩被肖翹謂能仕而教之忠子養父訓故率親則等而上人欲天從而臣雲月為家漁樵爭席三春寸草莫報青陽之暉億載萬年永祈黃屋之壽

謝除寶謨閣學士表

臣某言昨具狀奏乞免召命正月十五日伏準去年十二月十五日奉 聖旨依所乞除寶謨閣學士臣尋具辭免伏蒙 聖恩頒降詔書賜臣不允仍準告授臣寶謨閣學士通奉大夫致仕臣已於三月二十九日望闕謝恩祇授訖者績無可考進所職以為真禮過乎優更於家而即拜民之多幸人謂斯何臣某中謝竊惟學士之名首出從班之右非星辰聽履舊人長於六卿則雲漢為章久代言於兩禁望實具美朝野乃孳如臣者少也竊思

老而災疾六十六而解組夢隔日過七十四而掛
冠墮荒霞外夫何下澤之叟遽躡登瀛之仙花底
玉堂月伴桃源之棹雲間銀闕風恬蓬渚之舟覆
載無私豚魚其信茲蓋伏遇 皇帝陛下天仁老
老聖澤淵淵文獵渭濱上誤熊羆之繇漢招商嶺
何裨鴻鵠之歌祇辱詳延不稱明詔臣被恩汪濊
次骨榮懷擬周易八八卦辭俯慙家學同天皇九
九萬歲仰祝帝齡臣無任感天荷聖激切屏營之
至謹奉表稱謝以聞

除寶謨閣學士謝賜衣帶鞍馬表

宮衣疊雪帶分寶以垂金天旣垂龍鞍被銀而歎
玉一之詔甚四者難并拜君賜之便蕃媿恩榮而
瑟縮臣 中謝 伏念臣奮身徒步抱膝一寒何四年
俯仰之間被再錫服乘之寵裂芟初驚齊服之華
破帽蹇驢未識宛駒之駿茲蓋伏遇 皇帝陛下
衣被萬物駕馭群材察臣罷駑皮連霜而遠放念
臣藍縷頭戴笠而苦吟萃此衆珍賁于一叟臣敢
不服之無斃喜以長鳴安吉新衣脫儒酸於陋巷
敲推緩轡歌帝力於康衢

遺表

臣某言曰華難繫方翳入於崦嵫霞痼弗瘳忽溘
先於溝岳復更忍死冥漠長辭臣某誠哀誠戀頓
首頓首伏念臣資也撲忠學焉狂狷少有聞於師
友直道而行長無必於功名得時則駕叨賜第於
高廟受深知於孝宗光皇羽翼之不遺其如疾疢
聖主弓旌之屢及俾玷論思臨其將終責以今召
遂視星辰之履預加惟蓋之恩平生所蒙晚歲彌
寵而臣水滸以盡器覆於盈氣息奄奄已咫尺於
黃壤精神眇眇猶奔騰於赤霄徒深慕戀之誠莫
効縻捐之報伏願 皇帝陛下聰明神武剛健正

中乾清坤夷暨聲教于四海天長地久為父母於
萬年臣無復再瞻於槐宸自此永沉於蒿里潛然
出涕仰止激詞臣無任攀戀永訣之至

嘉定元年春三月男

長孺 編定

端平元年夏五月門人羅

茂良 校正

誠齋集卷第四十八

牋

代賀 皇太子牋

恭審對越帝暉宅于儲嫡行一而得三善邇駿元
良之聲明兩以照四方丕承中正之吉恭惟
皇太子殿下系隆禹子右序湯孫和惠通于神明
仁孝聞於天下久問龍樓之寢肇新銀榜之宮漢
家雜霸之言是將奚取老氏養性之福以次有陳
某綴以司存阻於班賀山暉海潤方觀樂舞之新

廬陵楊

萬里

廷秀

秋實春華何俟賓僚之助

代賀 皇太子冬節牋

土圭景至有融重日之光葭琯氣浮丕應一陽之復
宜鼎來於祉福以鍾美於元良恭惟

皇太子殿下仁孝日躋溫文天粹東序舞籥泳禮
樂之緝熙西學尚賢挹詩箴之儆戒倣臨華始翕
受邦休某縻以攸司隔於稱慶仰惟子職欽承二
聖之歡樂只時和奉上萬年之壽

賀 皇太子冬節牋

日在北陸占景至之重光帝臨中壇均休成於亞

獻兼此疊双之祉集于明兩之暉某中賀恭惟
皇太子殿下天縱徇齊月將學問哀對陽生之俶
導迎邦慶之崇出則執圭贊多儀於五時入而舉
玉介萬壽於兩宮諸福之祥如川方至某靖惟謏
聞虞侍末光詔冬讀而典書何禩周序銘日新而進
德願誦湯盤

賀 皇太子年節牋

頌栢葉於王正有關震治奉玉卮於慈禁式介壽
祺肇允非常之元業迪顯明之吉恭惟

皇太子殿下在躬實觀立變如春當獻歲之始和

慶東朝之八帙堯年舜壽驩同二聖之重禹子湯
孫見過三天之一誓諸載籍曠不前聞某自媿庸
虛叨陪虞侍東風解凍莫窺少海之兩涯春月載
陽徒仰重輪之五色

謝 皇太子頒賜誠齋二字牋

玉字寶書賜一雙之白壁椋籬茅棟騰千丈之瑞
光自媿野人巷承嘉惠其中謝此蓋伏遇
皇太子殿下學闡百聖天縱多能於兩宮問寢之
餘傳二聖揮毫之秘龍跳虎卧得精妙於太皇霧
結烟霏憲昭回於今上某敢不刻之琬垂厥子孫

袖有驪珠函山川之輝媚家無儋石蔽星斗之文
章

謝 皇太子令侍宴榮觀堂牋

宣猷清宴陳有踐之多儀陋巷驪儒際不贊之榮
遇仰承隆施俯極中藏某等中謝此蓋伏遇
皇太子殿下生而睿聰緝以問學春在宮之賓贊
久服采於後先秩鶴禁之初筵集鳳莊之邃宇花
迎劍鶯避傳呼賦橫枝却月之詩洒渴驥奔泉之
字畫漏稀簡也絳晏温至於酒肴之旨且多稱饗
以將其厚香羅疊雪織天上之七襄醉枕揮金出

幣餘之三品自朝至昊不醉無斂某等自視歛然
一蹇如此瓊樓元圃恍驚竒驟之觀黃卷青編願
竭研覃之助

賀 皇太子冬節牋

珠連璧合聚七曜於園穹泉動芸生復一陽於亞
歲宜函蒙於多祐用詒燕於元良

中賀 恭惟

皇太子殿下作戴儀辰承規景數淵冲玉裕仰進
德之日新海潤山輝格產祥之川至對於穀且集
厥闕休某自視抱屢叨塵奉帙待陰陽之定願陳
呂令齋戒之祥見天地之心請玩羲爻來復之理

賀 皇太子年節牋

春日載陽臨恭亨之肇序盛德在木表震治之承

天欽時休嘉用集冲裕

中賀 恭惟

皇太子殿下英姿天縱典學日新繼明以照四方
紹休二聖之緒元良以正萬國卜年百世之長猷
歲在辰洪禧有衍某叨塵儲隸虞侍末光栢葉椒
花竊鄙辭人之頌山輝海潤願陳雅樂之章

賀 壽聖皇太后牋

重華慕親決聖謨而與子慈福就養慶天統之立
孫命與惟新尊其有極臣某

中賀 恭惟

壽聖皇太后殿下象月臨照法坤靜專仰太一之
常居密移躋度近思齊之京室親執清溫有衍万
年之壽誠永膺二帝之虞侍臣屬分符竹遠在江
湖銀闕金宮望蓬萊之雲氣楓林楚水隔長樂之
鐘聲

賀 壽成皇后牋

乃聖養親后丕承於厥志自天與子母克相於其
猷俯仰相輝清寧咸若臣某

中賀 恭惟

壽成皇后殿下懿恭有煒持載無疆登降媯泐之
嬪欽于虞舜嗣徽京室之婦媚于大任躬慈福之

婦功佐重華之子職三宮齊聖万壽維祺臣屬以
守符遠在外服周廬千列莫陪班綴之趨嵩嶽三
呼不勝頌禱之極

賀 皇后牋

壽皇慈母之誠遜于元子嗣聖稟親之命宅乃當
陽慶繇宗祧福益寰宇恭惟

皇后殿下稟資淵懿迪靜方暘谷昇輝初得天而
臨照望舒載朏實助日之光明德與之齊祺無有
艾臣旧塵家令新覲邦榮虎嘯龍興敢作依乘風
雲之想齋飛魚躍幸居鼓舞造化之中

賀壽成皇后牋

萬乘來朝鋪閣休而於鑠二親受祉發嘉號以攸
同邦家榮懷動植奮豫臣某

中賀恭惟

壽成皇后殿下發祥涓浹媿德河洲贊壽皇之燕
謀抵龜而决啓聖子之凝命定鼎于中宜勒崇而
垂鴻以敏羨而報上必得其壽娥暨舜以匹休適
觀厥成似與父而均福天地相似日月並明臣拘
以守符遠在外服千官雲片莫陪鸞鷲之充庭万
歲嵩呼不勝燕雀之賀厦

賀壽聖皇太后牋

聖子神孫世相傳於大寶壽皇成后福並受於鴻
名仰惟慈極之尊對越在宮之慶臣某

中賀恭惟

壽聖皇太后殿下肇修內治同濟中興如月之常
久照東朝之數躡與天齊壽長瞻南極之一星觀
子子婦婦之榮光集老老幼幼之虞侍冠三宮於
霄漢之上備萬福於書契之前臣嬰以珪符隔於
軒陸天顏有喜豈云將母之不遑地勢無疆更祝
歷年之多所

賀皇后牋

一人必有所尊以言具慶万物不足以報莫重鴻

名典章焜煌聲教溥博臣某 中賀 恭惟

皇后殿下柔儀載穆淑問有孚始初清明躬行子職之恪晨昏定省日勤婦道之供從玉車於東朝奉寶冊於南極錫福而得其壽二親攸同作聖而觀厥成一字盡美庭闈慶賴海寓榮懷臣不意涓年親逢盛際金銀宮闕咸仰五雲之靚深珠玉山洲幸同萬物之輝潤

賀 皇后受冊牋

壽皇作書自天有命聖主立后與月合明慶發宮闈化刑海寓臣某 中賀 恭惟

皇后殿下令儀淵靚懿行柔嘉夙佐青宮久問龍樓之寢同升紫極是宜象服之尊荷萊參差蘭林發越佩環鳴玉既啓夜未央之勤并綰衣紳更陪暮又至之敬臣舊塵儲隸欣覲邦榮仰乾緯之四星光華首出占坤爻之五位元吉在中

賀 壽聖皇太后牋

外屏初臨中宮乃建是為甫田之孫婦益廣進饁之供仰事思齊之祖姑用介含飴之樂臣某 中賀 恭惟 壽聖皇太后殿下道侔坤厚壽與天長見堯舜禹之丕承世傳斯道若妻任妣之並處家嗣

徽音三宮相輝萬福方永臣屬嬰符竹邈在江湖
雅意本朝敢作班庭之想乃心王室實勞賀厦之
悰

賀壽成皇后牋

聖聖相授本再造而繼承婦婦克諧祇重慶之温
清椒壁有煥蘭陔載欣臣某

中賀恭惟

壽成皇后殿下德媿帝尊躬嚴家檢化天下以婦
道媚于慈闈正朝廷之人倫式是禁仰奉含飴之
樂俯膺佩悅之怡於萬斯年既多受祉臣屬分符
竹邈在江湖衆星之環北辰遙瞻象緯一日而仰

三后與被化光

嘉定元年春三月男

長孺

編定

端平元年夏五月門人羅

茂良

校正

誠齋集卷第四十九

啓

賀周子充察院

恭審綠綈錫命白簡察廉本本洽聞久鬱行秘書
之望行行且止頓高真御史之風一臺得人群目
改視恭惟某官絕俗以立於獨追古而與之齊揭
日月而行名昭垂而旁達引星辰而上文迥映以
芒寒壯年自致於雲霄妙手連收於科目時須士
重天豈賢遺然毋府淹留闕兩周而未徙惟宸衷

廬陵楊

萬里

廷秀

洞照度衆傷以起迂伸於久屈之中詭以盡言之
地士之未用志亦甚高環而顧天下之無人為之
太息及乎受主知於當世竟以無聞衆皆豔於公
榮愚獨知其任重責備者四面而畢至過時則多
晦而弗追它人處之假以作仕塗之蒿少賢者得
此定知為群枉之鷹鷂欲垂千載之芬香爭觀一
舉之奇絕仄俟隆眷擢專中司某辱在鄉鄰最蒙
愛過少而取所棄之竹馬自以不如今也望之似
於木雞居然失且仰英游而兩別讀除日以霜疑
已分飄零敢作綈袍之想未忘雅素或尋敗襖之

盟

賀永守沉侍郎德和啓

湖山悠遠何至煩天子之從臣水石驩迎今乃得
主盟之詞伯惟雅度兩忘於出處而為邦一視於
通遐斯民承師旅飢饉之餘邇求少憇明公挾經
濟專康之具沆可小施恭惟某官所養要以佐時
其文出於餘力兩科之名若日月不以自多卅歲
而身致雲霄蓋非所欲綸省發帝之令天官除吏
之精盤詰四方衡尺諸彥是皆雋甚孰不聳然况
當舉朝阿匱之秋莫悟黠虜包藏之計一賢孤憤

九拜極言犯忌諱以直前旁觀喪膽吐忠嘉而徑去曾不顧身一日掩漢廷之公卿群山憚汲直之節義雖言本憂國豈願得鯁亮之聲然士知嚮方遂爭先名節之學其於扶世厥有大功正恐未蕃宜之間又將見奮熙之拜某愚而好古拙以居今俗物茫茫若為道合此心炯炯端向誰開款符竹之肇分撫庭松而獨喜亦豈有敵金擊石之技以俟春知庶幾作集鳥跳魚之詩載歌尤異

賀王宣子舍人知吉州啓

恭審得覲脩門拜州江介又屈雲霄之步何足為

君子而喜之獨念父母之邦今乃得大夫之賢者况以故吏而為新民出處不離於二天眷知雅辱於一日則其距躍顧不切深恭惟某官北斗璇魁左螭法從人謂非久而大用歎其不可及之年公乃特立而徑行耻為母甚高之論既弗詭遇力求外庸甫解龜於湘流復分虎於螺浦除書布出遺老驩呼知鯁生舊出於門闈皆寄聲問訊於治狀雖媿周昌之吃口不能言為賦少陵之詩眼未見有眷首尾之親炙剽聲光而屬磨若循吏傳之所書與講德論之所頌肯聞其語今在斯人至於不

察而秋毫分匪怒而刻木畏陳陳滯訟渙若澌流
猝猝饑師了無箕歛聞者頓歌於來暮翹然願見
以爭先然無疾其驅士方惜陸君之去而最宜為
誥帝且思王其之文正恐未開府之間即有不俟
駕之召其終更不遠夢寐焉依問柳野亭敢望白
星於霧裡看舟草閣佇觀立馬於花邊

回施少才謝漕司發解第一名啓

文之勃者不應無以異於人舉以哀然抑或足以
當其價繫外臺之論秀任一路之拔尤私憂無環
奇傑出之英以塞屬望竟得此簡古天成之作更

益光華巷惟某官詞則油然而幽氣則浩乎其沛
平生所聞於聲實久矣神交一旦得見於儀形雕
焉心契莫知筆陣之合謬與堵墻之觀過眼而迷
豈日賦之不別垂竿而釣果查頭之至前幸藉手
以見諸公將貴紙而誇列郡能未忘於私謝知貪
得於大篇方當新天子太息願治之初敷求剴切
行上子大夫悉意正議之對願畢忠精側聽第一
之臚式快少雙之望其於感頌難以歷陳

回黃監庫謝解

說經之宏以肆得臣與寓目焉論秀之抑以揚士

夔有何力也蔚儀觀之獨煒執禮文之更優私謝
有司要是忠愛之誼朗詠俊語端令寒陋之華恭
惟某官志不人隨學惟古是曲典謨以放手誓蓋
豈全書脫訓故以請其微詎非遠識得人幸甚詢
衆曰然屈元愷之班庸何軒輊於鵬背上晁董之
對立見句傳於鼇頭感銘滋多揆叙猶未

代何運使德猷賀史參政啓

恭審疇咨國勲參秉機政光堯之託以子不待致
商山之老人嗣皇之選於朝無以易日盤之旧學
望重故人不以爲驟功高故位必極其酬凜然風

生聞者心服恭惟某官所學純乎仁義其躬蹈乎
直方儲禁詳延天獨以忠賢而遺上美游莫並世
固知台宰之屬公豈非以其承華之燕間蓋嘗深
竭細旃之密勿沃心以堯舜之道正色若臯伊之
倫治原後先人物良窳厚下足國訓兵管戎其在
初九之潛已定畫一之講清風發而日出應龍翔
而雲從不崇朝徧兩禁之華乃暮月贊万微之務
天之欲平治也時則可爲學焉而後臣之政將焉
往玆登顯面永相昌暉某綴以司存隔於賀列拊
身幸會已居廟堂履燾之中屈指太平當在樽俎

笑談之頃

代福建何提刑與汪福州聖錫啓

伏以我閩闕於安危端未禮樂詩書之帥帝心為之憂顧特輟言語侍從之臣擁高牙大纛之多為上冢過家之寵光映行路氣回先春公方自鵷行而鼎來我亦持虎節而繼至以平生想見其風采殆不知年乃今日協同於寅恭君有所相恭惟某官正心誠意之學尊主庇民之謨奏篇冕旒早居諸老之右致位簪橐已數十年之遲蓋其特立而獨行宜其自重而難合既陟禁近果屹然而不隨

發為論思皆稟乎其可仰又厭承明之直來作諸侯之師將盡行六籍之言以散作百城之福顧一方之幸甚如四海之望何弼諧之須朝夕以冀某問塗無幾望屐不遐君子為邦故應憩甘棠而無訟有司布憲當亦閣丹筆以蒙成

賀張丞相判建康啓

恭審 制詔舊德藩宣陪京留丞相於關中深寄本根之重用真儒於天下大和朝野之瞻恭惟某官學術函三道原貫一得仁者之靜應群動而不究參化育之誠聽萬物之自遂補天而莫見其妙

洗日而不言其功顧德裕何負於敏中乃元稹自
憎於裴度憂以王室居江湖而未忘樂手韋編去
洙泗而無間人仰傳岩之兩天關衡岳之雲帝至
召之已恨不早公其來止勿徐其驅姑煩東土之
保釐暫倚北門之卧護乾旋坤轉方用夏以變夷
風揮日舒要整軍而經武仰惟勲德之元老素定
國家之遠謀諸將震于威名百蠻問其容貌正賴
指縱迄成廓清安石其如蒼生何已快老成之起
司馬復相中國矣竚觀書贊之新某自賀荒涼恭
承教載丈席之侍玉振每得而聞尺書之論金滕

今近乎讖

謝張丞相薦舉啓

上既起公將屬之大事公初薦士宜簡於異能何
誤及於羈單雅不緣於造請衆皆歆豔已則懼思
竊以士有常言每病于時之無遇古之炯戒又歎
知人之甚難且如門下之旁招前此人材之豈少
不負所舉於今幾何或賣知己以進身居之罔作
或自毀節以求合穢不忍聞謂懲義而吹鑿聽懸
榻之挂壁而大丞相好賢之誠意終不少褻視小
丈夫敗類之深情付之一莞惟忠義專圖於報國

凡薦延本務於減私覬得其真以裨於治如某者
自知已審用世則迂仰止前修非無願學之志歟
然朽質未有日新之功故其在翹材之中最號為
烈士之下庶幾受教於以反躬敢崇蠟言晞僖玉
表為老聃之役亦既數年于相國之恩了無半語
此其所嚮夫豈自宅蓋身在於洪鈞何憂不達恐
名浮於實行以累所知頃於取別之辰示以兼收
之諾迨袞衣之再煥果薦墨之先施至若一字之
褒奚啻三倍之價才之為用昔人所以解事物之
盤根識以馭才君子所以為正邪之止水兼其才

識昭以文辭在名流避席而莫當寧諛聞披襟而
拜辱讀炳蔚敏明之譽知庸虛稱塞之難茲蓋伏
遇某官道隆帝者之師身任聖人之耦天以一老
復祖宗之太平相維幾人留功業於今日世方扶
目心佇告廷式眷湘中之士夫曾依墻仞之訓誨
剡公車之奏舉之僅及於四三在零陵之邦得者
乃踰於十半惟是行也愚實在焉凡茲同挂於品
題已入異時之塊北誰不望賜以為至榮其敢不
請事贈言深藏嘉惠豈有毫髮可補報於恩光不
辱門闈獨保全於名節

賀張魏公少傳宣撫啓

恭審召升亞傳命撫征師 太上皇非不知耆德
之深留遺 嗣聖 新天子欲盡復中原之旧首
擢我公於皇彼天將降是任必有所試使大其成
彰之於大夫破斧之時稟其不折啓之於族庖更
刀之後用則無前厥惟相之夫豈人只恭惟某官
道德之温如玉忠義之明於霜扶炎祚而置諸安
皆本其力遭說邪之壅於上益增其光一飯不忘
於 君尊四海惟愁於公老今而復起時正可為
仰涵養之素優諒規摹之先定辯幕孰智齋壇孰

才形勝於何而居疆敵情若為而得實虜之珍滅
必有日國之恢復必有期得一韓以在軍中倚而
須慶曆之捷捲三秦而取天下當不使漢高之淹
然後布大冊之焜煌冠維師崇極畝相興運納民
隆平某千役載奔置郵以告喜不能語豈特以知
已之進為義動千心端復為本朝而欣賀

賀張丞相除樞使都督

恭審疇咨元老首冠鴻樞自祖宗啟再相於旧臣
先施此典宜神聖又一新於督府爰舉徽章國重
以人德浮於位恭惟某官道侔三代之佐學關百

世之師即之温然乃名滿寰區而不處識其小者
謂材兼文武之有餘國論萬變而守如初孤忠百
鍊而難於合胡馬南牧折箠以斃其酋袞衣東征
投戈而拜吾父與其淹恤於邊圉曷若遄餒於廟
堂蓋欲傾海以洗乾坤公之始願則不以賊而遺
君父誓不俱生上勉徇於精誠禮姑崇於宥密關
河響動華夏氣舒萬口騁呼孰不誦焉出師之表
諸生延竚又將賡武公入相之詩某吏畢言還郵
傳聿至語心獨喜尚見太平於桑蔭未徙之間引
頸非遙行望餘光於槐陰已成之下其為頌詠罔

既敷宣

賀張丞相再相啓

伏以風雪方壯公承 帝命以遄餒乾坤為開天
喜公餒而復相旋倪如堵騏拊成春惜其懷玉而
久淹愛其據鞍而未老恭惟某官巍然三代之佐
展也百世之師惟有孤忠流坎不為之改使無說
口恢復豈待於今運化則亨天定乃勝上方廓英
明之度人始知平泰之期閱百曹參曾何損益得
一傳說足可枝梧蓋將正君以中庸大學之書強
國以慶曆元祐之政山川出雲而有時雨丞蘇吾

民日月亭午而無邪陰更求衆正次第起惟新之
治庸詎日中興之難從觀遠圖倚俟丕烈某所欣
則大况適其逢挹彼梅羹敢崩滌指之想顧如麥
飯或助加籩之須

除臨安府教授謝張丞相啓

漫仕為親曾或羨官之暇擇中都分教誰云宰物
之弗遺蓋初心未敢於乞漿不自意何從而得鹿
古之所謂知己今不在於我公伏念某生而丘園
少也筆研墮在百僚之底忽其半世之催頗欲陳
所抱於事功萬分其試獨不見若昔之賢聖幾許

其逢則復性以自怡彼在天其何與覓官聊復爾
耳干澤則謂之何三入脩門肯投書於光範再隨
官牒日摘紙於藍田不擬此來適遭大拜方震禁
岩之兩首沾惠棘之雲繫天府之學官次賢關之
教職立諸生於館下盍揀文儒授弟子於國中是
資祿式奚其誤墨及爾淺聞惟愁倚講席以不譚
此非子座敢歎無容匱而獨冷反教人為茲蓋伏
遇某官忠大而天為通德盛而人自服十年江海
草木亦望其遄飯再秉鈞衡社稷頌從而增重方
搢文武之並用欲卷關河於一征寸長不捐小子

何取某敢不職思其報學殖其耘售生徒以場屋
速化之方堪羞薄陋醫士俗於名節久頽之後所
願宣明

代零陵呂令迎龍龔令啓

伏審馬蹄踐雪叱徒御以南來山意放梅掩詩人
之遠興聲隨風而先至仁與春而併回欲罷不能
我自咲故軍之陋式歌且舞民爭迎新令尹之賢
恭惟某官收歛垂天之翔低徊製錦之巧蓋小試
惠綏於岩邑以養成經濟之壯懷愚溪西丘端未
妨於覓句石渠東觀即祇召以讎書某月跋光塵

宵馳夢想千里命駕能無跋履之勞一尊論文行
有親炙之樂

賀兵部胡侍郎啓

恭審對天之寵行笈之卿持橐豈非至柔人輕則
否選衆而得此老國重方增一賢已多四海有特
恭惟某官傳道為諸儒之倡御風與造物者游見
於文章蓋其土直凜然忠義塞乎乾坤群邪重足
而恐其來吾君注想而歎其屈召飯表著再闕星
霜夫何屢免而稀迂政緣自重而難合迨茲人望
之極乃陟從班之崇方虞正道之寢微所賴我公

之獨在靈脩數化要回天却日之功申椒不芳待
轉石拔山之論至於珠璣境土亦癘裔夷憂不自
他慮非所急諫行則就道合則從其遂相之登要
路於百僚之上又有大者舉明主於三代之隆某
得之傳聞昃然欣喜豈特為鄉里而賀與蒙其光
以此卜朝廷之興實受其賜

嘉定元年春三月男

長孺

編定

端平元年夏五月門人羅

茂良

校正

誠齋集卷第四十九終

誠齋集卷第五十

廬陵楊

萬里

廷秀

啓

謝胡侍郎作先人墓銘啓

丘園遺老豈倖身名之必傳道德宗師所憂潛海
之遂混有華峻極之筆施及不肖之孤感非不多
悲者能語追惟先子早企前脩負米為親肯辭
瀕死絕甘教子殆不可生曾極天之罔酬盍墮地
之小緩彼蒼不弔真白此寃卜其宅兆而安厝之
欲留何及惟是寃宥從祔廟者所羨未彰蓋將無

以揜諸幽殆不可以謂之子披肝為紙滴淩到泉
控于仁人屬此大事亦知言語精神之方亂何遽
以聞所恃州閭鄉黨之未忘或為之動孰云望外
已挂絰端表出先人之孝廉寵貽驚代之詞翰昔
昌黎獨擅碑板之任未免劉又之譏至東坡不作
銘誌之辭乃為陳慥之傳豈要人有賣文之瓜李
而匹士無点人之埃塵並韓之文而去其貪踐蘇
之戒而兼其妙是惟具美不在我公豈繫寒門專
嚮此福茲蓋伏遇某官古之愛直志在春秋觀其
請劍以劾佞臣夫誰或恕今也納石而銘處士獨

得曰私某敢不思其所來是必有勸周俾九京之
憾以忝所生庶幾一字之褒有代之答

代胡峽州謝宰執啓

廊廟勤民是先遐僻珪符之使亦逮羈孤恐誤所
蒙敢榮於得伏念某志空自苦才則安施少也結
交頗聞諸老之餘論慨然求道不悟流年之去人
半生林泉卒歲編簡冀自得致知之要或庶幾濟
務之功出而試焉颯欲老矣頃再乘於貳廣悅十
閏於周星忽知己之此逢乃單言之偶合播以大
鈞之造假以夷陵之麾茲蓋伏遇某官所養天全

其貞玉立方力行顏孟之妙學不曰空言以追還
唐虞之絕風一陶斯世故雖片善舉在兼收其敢
不究宜君相之寬恩惠綏田野之黎庶瞿唐歷險
當更堅鉄石之心巴峽云遙使如居畿甸之地

回劉簡伯縣尉

頃於二水甚喜聞於收科滿以萬山乃獨未之修慶
重緣貪病之迹彊作都城之行耶爾覓官近茲還
舍頗歎鞭鴻鷺之野性無奈嬾何念將隨燕雀之
賀成或云晚矣政含毫而真決遽下教以相先于
謙有光反已則媿恭惟某官其文天秀有譽川增

方其在萬人場屋之中脫然無半點舉子之氣此
行我里其獲幾人取之寡則見其精得之難而後
可貴况如近世之士止以登名為榮朝拾笏袍暮
焚筆研惟執事器闕而量博於古學心慕而手追
絜然偉辭發手交際觀其小者知遠大之莫量願
少安之看搏扶之無晚孰謂一尉能淹若人某嘗
辱與游豈不有耀

代李直卿謝漕司發解啓

鑠廳弄翰聊爾逢場漕榜挂名居然充數豈亦造
物之見苦又使壯懷之勃興雖非所欣獨得自棄

伏念某學本末道才無瘡人閱世故以寢多悠悠
爵蠟拊塵編而有見徃徃得魚以茲徜徉乃至迂
拙蓋嘗誦子虛而首送竟亦與考官而舛馳晚遇
飛龍之初隨在特恩之列南宮年少見謂陳人仕
路達官半有德色姑求為步兵而隱耳將速營糟
丘而老焉偶免目之又黃顧鬢毛而未白親故逼
迫子弟關陳遠引菑川牧叟之復行近援恩江鰲
客之大用天其或者時不再來遂此強顏更讎故
藝扁舟徑下頗欲快秋水落霞之觀破硯久荒豈
復作春草生池之夢莫知是舉其必有從茲蓋伏

遇某官道隆百世之師身為天下之老孤忠所貫
猶足開衡山之雲萬目是瞻恨未沛傳岩之兩論
思小輟注想彌深春言空踈允出鑒裁則其波及
亦復言揚某敢不改圖所新更策其鈍題於淡墨
豈以為士君子之榮造在彤廷庶少吐子大夫之
對

代羅武岡得祠祿謝蔣右相啓

老之將至豈乘障之敢安貪不能敏乃丐祠之得
請適當吾相延登之始首在大鈞坱圠之中恩嚴
於感至於膏伏念某半生孤立暮節倦飛處宣和

之成均頗參耆舊脫建炎之場屋亦欲騰騫古風
一類世路九折作吏而信所學衆方尊城且之書
于時而售以文彼焉用毛錐之子晚得小壘邀在
三湘方漢宣帝循名責實之秋此為時矣誦孟浩
然多病不才之句其如命何退無族親朋友之依
進無蚍蜉蟻子之援方將四顧聊復一鳴人皆謂
愚公獨憐我茲蓋伏遇某官人物兩朝之望典刑
千載之英咸造在庭早如晁董之奉大對爰立作
相今若臯伊之冠倫魁乃於籌邊之餘不忘寒畯
之受賜士皆敏心某敢不愧於空餐知此厚德頌

聖主賢臣之盛雖曰未能當門人小子之勤則從
此始

回黃解元啓

伏以有司論秀能者其誰宅相登名人亦賀我文
既弊而極矣子獨洗而新之恭惟某人以陸機二
十之年有江夏無雙之譽彈湘妃之玉瑟追還雅
頌之聲音織天孫錦裳自出文章之機杼懋乃此
舉甲于大廷曾多賀之未遑何大篇之先辱

賀吉守蔡寺丞子平冬啓

野人雲卧焉知曾觀之書茅舍日長忽悟漢宮之

線惟陽福類升之伊始非君子道長而何祥人皆
顧然天其或者恭惟某官源源伯喈之學繼之端
明之忠翠竹碧梧蔚有向來之文物雪山水谷凜
然清出於班行乘風來自於帝旁把麾出守於江
上官梅之動詩興未妨揮毫王春之度玉墀當不
俟駕某承顏雖淺辱愛已深占夫子七日之友不
速而復上億公千歲之頌俾壽而昌

賀蔡寺丞年啓

珠星璧月布清臺正朔之新栢酒椒盤詠大府風
流之勝天地交泰池塘生春君子履之福祿華只

恭惟某官海流學問山立班行二千石之唯良遠
出西京循吏之上十萬戶之受福皆在春風和氣
之中載臨道長之辰敷錫彙征之吉梅邊覓句小
吟山意之衝寒花底退朝行對天顏之有喜某究
居無似餘映焉依注玉傾銀既未得修壽觴之敬
染雲剪水又不能頌頌語之工

回陳德卿縣尉啓

上方以飛龍而造金榜所未極諫之聞公猶以嬰
鱗而殿鼎科無乃有司之諱知偉度非榮於一第
然還家足尉於兩親恭惟某官士之拔尤文則近

古爛其若天孫之織雲錦彬手成章清其如騷客
之餐菊英苦而有味賦料揚雄之歎詩過黃初之
人先所難能此則餘事一鼓不勝豈前之慙再舉乃
身非後之巧以孝秀之美而作尉茲獨日宜發天
人之學以致君則由此起所期者遠何懟於初某
辱在比鄰恭承惠顧知名久矣覲德跼然坐客無
德自笑柴門之冷文書銜袖但驚車轍之臨

代李省幹直卿通長沙師劉舍人恭父啓
輟耕作吏乃隨在步兵之厨拄笏拜庭將望見舍
人之樣雖文字不盡依劉之悃而仁賢獨無間李

之心淒其千載之逢或者片言之合恭惟某官名
蓋當世文高前修一武以趨雲霄蔚其未老孤忠
之貫日月凜不可回掌制西垣寓直內閣人皆以
為公喜公豈以為己榮蓋其所期有不在是以中
興未成為大戚以生民尚困為深辜今非無人誰
有此意置之於湖山之遠了不聞知倚之以邊疆
之寧是則談笑波靜柳江之沸天關衛岳之雲不
惟藩宣之勤實繫社稷之衛要之好手屈此外邦
曷若遷飯於廟堂坐令整頓於宇縣某場屋百戰
權輿一官收飯山清苦之身入糟丘宜卑之地記

醉鄉而避世聊復優哉頌酒德以垂名真成狂者
每顧初心而自歎猶幸大賢以為敏必有異之於
白眼之中未遽隔之於清流之外

謝曾主簿啓

恭承車轍肯顧田廬識異人於山林幽獨之中偶
然不後於衆稱弟子於科第光華之始意者其近
於欺禮有踰於其情世久無於此事恭惟某官氣
蓋萬人之表名重大江之西以古自嬉欲超詣聖
賢之地於詞橫騫其肯作詩俗之文結梅實於桃
李之場鬻壘洗於盆盎之市孰不莞爾子獨悠然

不再戰而有功衆而後定雖五甲而無愠忠矣何
傷但令所立之芬香焉拔厥科之高下

代慶長叔回郭氏親啓

聲氣之求不緣利合昏姻之故所要歲寒既兩家
之相忘則一語之可決伏承某人令似少而汗簡
已翻夜誦之波瀾而某第幾女子教以條粲粗知
春服之刀尺羔鴈戾止牋牘輝如敢大夫之重勤
庶幾君子之偕老

賀陳應求右相啓

恭審登庸正人使宅次輔非難得宰相之位進賢

則其國尊不必問太平之期用公則其效敏天有所待世未或知恭惟某官績洙泗以後之淵源追唐虞未遠之人物動容貌以肅天下已皆趨風舉夷箕而置胸中了如觀火召來兩地亦既三年所挾愈大而合愈難求去者堅而留者衆深觀其守道之如許不付之大事而其誰用之小遲是以國人懷不滿之意試之既效然後聖主有必信之心右席久虛君子是荷宜有遠略用宏雋功治道無多止在一正君之妙學敵人易與終將九頓首於大廷某自知其迂敢速於售抱賈誼積薪之疏空

有狂言哦少陵看鏡之詩真成半老獨特知已不
虛此生郵傳贊書喜絕流輩

賀陳丞相拜左相啓

恭審陞自揆路宅乃首台惟上相之顛面正朝履
焉已久非天下之鉅人長德膺此者誰厥聲既覃
所暨咸聳恭惟某官喜怒不形於色安危自任於
身如大山喬岳之靚深無為而人自仰若和風慶
雲之氣象不肅而物已孚登庸有暮經濟方懋觀
其恢張萬化之意固非函莽一切之圖民亦有言
得無委付之未盡上既歷試是用尊信而愈隆告

于大廷陟以左席雖廟堂之維旧而風采之一新
魁柄不分豈復有牽而莫可同列既協猶日無助
而何為正君在初拔士宜博民之貪者無富國將
之勝者無敗軍朝廷治而四海從羣策強而百蠻
服古未有改言之似迂置乾坤一擲之中世豈不
為之快然帝王萬全之舉公必有處於斯某頃以
狂言最蒙殊遇乃至延譽於西府相與薦進於嚴
宸事有作難退而靜俟今兩賢合處而並相此其
時哉當大鈞所播而不春信乎命矣

賀虞樞密還朝啓

恭審詔下云屢公敏母徐當旌旆欲東之初國威
已壯舉關河以北之外敵氣自銷如何四海之重
輕止在一賢之出處恭惟某官所學自得於聖非
天不知其忠三顧隆中此豈有求於斯世一正天
下其來蓋為於生民方其敗狄於立談不應今日
而未相英蕩萬里星霜幾周惟以身為社稷之依
則其心奚遠通之擇誰為帝之計者復斯人而謀
焉如不欲中興之速成無所事我既久處冢席而
有待舍之其誰揚于贊書後以朝夕其惟古之嗜
以拙而窮頃辱取其一編之書欲薦進於九重之

覽許以東南之人物至於傾倒其腹心見則盡歡
去乃太息退而矜國士之過聞者猶疑雖未拜知
已之恩此已不淺

嘉定元年春三月男

長孺 編定

端平元年夏五月門人羅

茂良 校正

誠齋集卷第五十終

誠齋集卷第五十一

廬陵楊 萬里 廷秀

啓

賀虞右相啓

恭審祇召自西爰立在右何國人喜極而繼以恨
不曰大用之遲當天下將合而未有形庸非今日
之俟言觀氣象忽見古初恭惟某官凜乎人物之
英慨然忠烈之氣足居首上病惟賈生之能醫兵
在胸中賊見范老而破膽疇昔之役殄殲彼渠於
是時而相之則中興之久矣小人何怨而願其去

君子欲留而莫之能上非不知天則未定萬里濫
瀕魚龍亦憫其獨勞三人脩門鼎軸乃得其所付
洪鈞一轉乾清坤夷泰階六府芒寒色正國患無
人而非無治賢有不用而無不能既登我公夫復
奚慮發丹衷不盡之挾茲獨非其時乎了紫巖未
為之勲更於誰而責者儒效豈細休期鼎來某其
立既孤且踈於合頃以民望之所在見而無求敢
云廟堂之辱知驟焉不淺取其猖狂之末議謂可
薦進於公朝事無必成勢若有待茲嘗聞於顯拜
悵莫與於賀賓今孰非相國之人惟我所用而况

於門下之士當憂其遺

與湖南漕黃仲秉給事啓

伏以士何必知己之多惟愈寡而後貴古所謂會
心之契不待見而已乎况門間半面之未忘辱坐
上千人之小異眷焉非淺舍是安敢恭惟某官岷
嶓之英洙泗之嫡夜離天祿茲不日異時將相之
儲夕拜瑣闥久無此正人封駁之手蓋雲霄之已
逼奚原隰之載驅豈其深言之不容抑亦孤立而
莫助今之君子遑恤位隆而道滂凜然我公政緣
身退而名進加惠綴寡覓句湖山信此樂之未央

於外物其何有天方欲治又將聚善類而有為上
知其忠不應舉大政而他付其學無適用人不謂
才有取其六太息之書薦延其迹竟復以七不堪
之辭聞罷而行所幸西府之後陳得參重客之未
至寵以半語云識子於文字之間懷哉此恩非知
心於肝肅之上往馳病身敢倚之意敢作流俗眩
涼之言自分雲昇而泥潛已如霜降而水落豈競
於利猶僥於求惟不出大賢之門乃所甚感儻或
在可教之域其忍弗收

與洪師吳明可啓

伏以提孤身而進門下將何從而信之恃我公之
如古人蓋有望而來者不然以縣令之賤而仰望
大帥之光以言自鳴於分則僭非曠度脫拘牽之
表敢盡情寫敢倚之誠恭惟某官其清有延陵之
風所至若河南之治立於侍從論思之地蓋十餘
年間其人物宗派之評統一二老望之若怯而諫
甚勇名之既重而國不輕云胡至今未正其拜更
枉盛名之下來牧大江之西落霞孤鶩之辭照映
翼軫春生秋殺之政彈壓湖山取回前輩之光芒
曾有今日之奇偉百城甚樂其能解愛君之深憂

衆正方亨肯或令曰德之久外起以端揆何必崇
朝坐令八區之民復見三代之治某於時莫售其
病在迂隨在作邑湯火之中未知脫身罪戾之屢
催利撫字若為並行而兩全燈火簡編將遂絕交
於千載所幸微蹤之託乃得至仁之敏教之以其
所未能端復師承之望庇之以其所不及茲謂父
兄之賢

與吳參議啓

伏以同登紫岩之門至今十年其如夢還望西山
之爽豈曰再見之非天自憐江湖雲月之身隨在

未塩湯火之地不有知舊於何擬依恭惟某官超
然光風霽月之標粹乎東序清廟之器辭章甚古
要自是文人之雄談笑不勞已足了天下之事一
登刪潤之要地屢迂參贊於介藩聽履而上星辰
知衣鉢之未遠回首而班鷓鷯即公侯之僕初某
憂患頻年形影獨笑不圖流落之末路乃遇愛忘
之已知蹈凍衝泥未辭芒屨之濕煖湯剪紙所特
綈袍之私

回蘇縣尉啓

老困簿書無復夢太玄之草新從寮案不謂見顏

濱之孫未瞻故家眉宇之有光已覩長牋翰墨之
是似恭惟某官閣高一代才繼三君胸中策謀凜
有權書衡論之蘊筆下詞采猶存黃樓赤壁之風
不應作尉之酸寒亦肯折腰而淹泊聲實不掩紳
綈已孚豈朝夕之久如即薦召之至止欲修敬而
未果竟賜言之先施

知奉新縣到任謝虞右相啓

帶經一丘誰其貪病之或恤得地百里敢曰徧小
而不為以二相遣之而姑來故黎民見之而差敬
責苟云塞功奚足言伏念某涉世作痴信書成誤

頗參諸老之杖履守其所聞備嘗仕塗之濤瀾聽
其自靖頃緣下客之末墮在薦書之中一日虛名
旁行四海半生孤憤上徹九關忽忘其愚凜欲自
試夫何東南之二士召見於君皆為滕薛之大夫
而況於我罷飯天只流落安之自分遂收其聲光
從此永遜於江海茲逢衆正復聚本朝但依同類
之先登未覺孤蹤之猶棄曹與衛偕命而偕復援
例敢乎凡與楚曰亡而曰存置論已矣蓋春風不
能泮陰崖之雪而膏雨亦難使枯木之芽非主人
之不憐皆薄命之至此惟是新吳之邑密通山谷

之居士多能文民亦簡訟儻無兵革得免催科之
繹騷或遇豐穰庶幾盜斂之衰止足安迂拙苟活
老窮茲蓋伏遇某官天下之安危寄諸身夷狄之
操縱在其手氣鍾旧國綽有東坡紫岩之風人仰
英名坐期慶曆元祐之治顧盼攸暨孤陋有愧乃
若不才亦在所譽某敢不必乎撫字老矣塵埃非
不知吾君吾相之難逢其如奇蹇所願與老豐老
圃而欣詠仰荅昇平

知奉新縣到任謝吳帥啓

伏以地尊洪府見於三王序賦之文邑有新吳尚

存二蘇眠食之迹夫何儒緩亦昇男邦延見遺老
之初無以藉手為言大帥之意教以愛民靡不歡
忻至於呼舞伏念某才不逮志學無近功以虛名
自誤其半生困窮坐此知治道不在於高論習氣
奈何今之士皆以濟世而自期及乎上使之為邑
而不敢小猶如許大亦可知非逢天下之通才孰
起書生之廢疾不圖末路乃始得師訓之以無政
則無財本乎孟氏之肯啓之以不威則不惠契乎
孔明之言坐令狐疑渙若冰釋茲蓋伏遇某官心
潛百聖之妙才得四科之全言皆可行耻為畫地

之餅上方夙寤急此濟川之舟不應一路之民久
借二天之庇自惟幸會得在走趨某敢不佩金玉
之音憂民社之奇才踈意廣縱不能了官事於咲
談政拙心勞猶足以報知己之恩遇

謝吳帥舉陞陸陟啓

鳴千室之絃正復犯其所短寵一字之褒何忽被
於此榮莫知紹介之從或者聽聞之誤如某者技
能奚有迂拙不勝亦知捨已而後時進而云獲又
念所學之何事退而益慙自量為邑之不堪其如
立法之難避字民則必廢其職辨職則必屬其民

况若失舫之人茫無問津之地一逢師匠屢侍詒
言雖金聲玉振之間服之無斲然朽木糞墻之稟
頑不可鑄既竭戴星之勞增慨捕風之效辱全安
而多矣望薦進以敢哉不謂需頭之章驟驚頓首
之拜至蒙所譽尤過其情幼而業文竟非典驟之
體踈於聞政烏得詳明之稱茲蓋伏遇某官察見
秋毫而乃容愛如冬日而有別致身法從猶恐寒
士山林之遺挂名薦書皆入異時鈞陶之造未應
淺陋亦預激揚某敢不無迷厥初更鞭其後豈曰
富貴而圖報斯為感恩庶幾名誼之不瑕罔玷知

已

賀龔實之運使啓

恭審召從帥藩就拜計相六月初吉方深旱而望
雨之勤二天所開頗有穆如清風之喜不但轉輸
之特坐令凋瘵之蘇恭惟某官大節凜乎水霜孤
忠動手金石當其在天子爭臣之列蹇然追慶曆
諫官之名補虞舜之裳用線深藏於五色解陽城
之褐裂麻無待於七年方群愴之有驕盱萬目其
相視士之勅者太半掃門摩足之莫違公獨擊之
借日排山倒海而不置卓哉奇偉之舉絕乎古今

之時惟難而後見其賢非退何以增其望織天孫
之雲錦旣一新崩表之文風賦秋水之落霞又俄
見洪都之盛事正未妨江海之興夫豈嘗中外之
知其如天人之心屬以平治之責蓋將迫之而不
釋曷云辭之而或容某自信其狂愈寡於過流涕
太息之疏雖略施行不才多病之詩竟成踈棄退
則三逕之未具進則四顧之疇依強為一來聊復
百里民亦愁止驚水旱於旬月之間官獨奈何問
錢穀於星火之頃顧初心而自忤脫世網以奚從
忽聞日邊之除書臨遣天下之正士是將收拾於

氣類靡不兼容自幸遭逢於仁賢從此有託

與荆南劉帥恭父啓

聖三光五嶽之氣無日不仰於緒風隔千岩萬岳
之雲此意獨馳於清夢亦知寓書莫如於觀面然
非修辭何足以寫心未審中台之餘輝能照微尚
之或否恭惟某官孤忠貫乎霜日百蠻震于威名
當其立朝社稷豈徒於九鼎及其乘蹇金湯不在
於長城頃登樞廷頓起國勢使朝夕謀謨於廊廟
則笑談整頓於乾坤惟其持方而入圓是以易問
而難合初來洪府覺西山爽氣之逾清旋領荊州

喜赤壁風流之未遠將尅復神州之是恃何卧護
北門之足云登庸之期跬步而近某迂無所用老
復奚為題慈恩之名要自是門生一人之數受新
吳之邑獨後於屬吏半年之間尚憶拜公於道林
嶽麓之時頗辱借譽其波濤雲霧之句雖前古所
謂之知已未必有之故半生不恨於無遭得此足
矣向者居中而未嘗密今茲在外而不敢踈此豈
緣勢利而相求庶幾蒙肝膽之洞視其為飯倚未
究敷陳

與鄭惠叔簽判啓

幕府粹清不妨尋東湖西山之勝江城踈遠未應
屈石渠天祿之英或謂其羈離而愁思夫豈緣中
外而欣厭恭惟某官以海內寡二之學收天下第
一之科舉首子大夫之中蓋今日之董相誦言諸
官寺之輩乃登第之劉蕢奏篇一傳紙價十倍何
上意驟用而不可猶旧章相襲之或拘翩然斜飛
來此外補民豈無瘼正恐非在位之敢陳公於是
時力行其所言而執禦必能條白以次罷行上裨
仁賢之主人下尉歡呼之父老六月之息鵬背未
必云然十年而到鳳池故應無晚某自知其拙世

指其狂少也勃手欲徑造古人之處今而老矣聊
坐觀半世之非周章折腰瑟縮掣肘官情寂歷冷
於楓落之江皎夢紛紜空遶菊荒之逕敢圖貧病
之末路焉依蔭映之餘光

賀龔帥正言冬啓

伏以天喜大帥之開府日華增一線之長公有和
氣以破寒雲物紀屢書之瑞鼎來諸福鍾美厥躬
恭惟某官立朝風生屬操玉立排小人於不用之
地陰積於冬扶正道於將墜之時陽生於子幾年
江海一節冰霜又逢來復於章編之友即見處中

如太玄之首某棄於為邑隔此拜庭望北斗五雲
之星遙瞻台曜哦西嶺千秋之雪仰頌壽祺

除國子博士謝虞丞相啓

上有恩言許解男邦之役生無朝蹟驟為國子之
師出諸金布之塵埃觀以誦弦之文物一陶厚矣
重拜瞿然伏念某命與仇謀老將疾至垂獨釣於
永井是將何求駕隻輪於羊腸乃以望進既未能
以此而易彼又何病特而方入圈環顧此生渺無所
立落月滿梁而不寐山鬼吹燈而莫驚搔首著書
頗欲為千載之計折腰作吏長恐寒三運之盟漶

其級心已焉米望忽郵傳於細扎俾教胃於成均
起高士於鴻鷺之群近時已寡擢俗吏於山水之
縣此事久無茲蓋伏遇某官身為太平之基首出
中興之相盡發其七六經之學以幹万微將恢此
一四海之功乃兼群策惟是門下之賤士倍費化
工之密庸蓋數年頃倒以奇其人乃一日甄治而
有其決某敢不勉耘其業無負所知士自有吾相
以為之師如周公者愚當與諸生而激於義獨何
蕃歟

朝陵與方帥務德啓

帝命攸司徃省昭陵之松柏星言載路是經越境
之山川側聞方伯連帥之賢實維簪筆持橐之旧
借曰駿奔而靡監亦將參拜而後畝恭惟某官繁
劇則見其才老成而邵於德守河東股肱之郡殆
且遍之立春風玉笋之班或云晚爾其退甚勇厥
聲益高沛然堯言寄以禹會令既修於庭戶人自
得於耕桑兩自兼以流根河及京而蒙潤弱翁治
挾蓋已深知次公長材行且賜召某不圖于彼得
見斯人無因至前故應無按劍之悔不言失子其
敢塵携手之逢

賀龔參政啓

疇咨正人參秉大政惟天佑于有宋將開平治之
期惟后非其我公不在弼諧之選罔曰一賢之寡
已底萬邦之享恭惟某官表粹而裡之剛人今而
道之古所立阜爾皆詩書未作之傳舉而措之非
秦漢已還之業頃在諫省人謂冰霜及臨帥藩民
稱父母觀者異視吾惟一初然抗疏宸居排群小
於不用之處而救荒江介活百城於既死之時雖
云緒餘獨不雋偉人望欲逃而莫可上心既用而
乃驪將階兩地之嚴遂冠三能之極抑天下無難

療之病惟藥者有宜先之方儻苦口之貯儲則元
氣之充實此執事平生之所挾豈今日得時而不
為某旧供走趨雅辱知遇敏歟空谷方鋤三徑之
荒仰止慶霄忽覺五雲之遠

嘉定元年春三月男

長孺

編定

端平元年夏五月門人羅

茂良

校正

誠齋集卷第五十一終

誠齋集卷第五十二

廬陵楊

萬里

廷秀

啓

賀王同知啓

陞從西府進貳北樞名重而威自伸夷狄想聞其
風采賢用而天以喜斗極亦為之光華恭惟某官
道得洙泗之傳人如唐虞之盛觀龔六為七之作
文不在茲啓咸五登三之隆天其或者閱平生之
流坎凜孤操之水霜獨當夙夜基命之司備殫朝
夕納誨之益遂從有著爰陟同寅借箸以籌於前

小遲遐舉肖築而置諸左未必淹辰某雅蒙眷知
自笑竒蹇卧漳濱而引疾亦既有年以泰山而易
田莫知奚自惟是失優而得劇所謂未安而既危
豈敢作夢於尺五之天乃復薄命於斗升之水姑
俟戍朝之及尚圖祠祿之干東望側身有四愁而
莫致南飛繞樹徒三匝以無依

回王敷文民瞻家定親啓

賢者有後仰王樹之森然儒冠多貧顧席門而陋
甚云何猶子之二女得配執事之兩孫伏承某人
第一令孫乃吾家忠襄之甥生而獨秀而某姪子

第五女孫為詩人瀟溪之婦媿其非宜發幣載欣
揮毫莫叙

謝周待制侍講舉自代

拜辱需頭之章踐脩稽首之遜曩者單進誤蒙援
引於友朋歟潛深敢希推擇於鄉里此舉創見
古風言遷至於孝謹廉方之稱經術藝文之懿一
之謂甚四者難并以門下平生許可之不輕乃筆
端一旦推揚而無愛或蒙所被自省則慚髦之有
懷詹未既

答吉州余倅啓

風巾霧屨方卜鄰鷓鷯之群玉句金章忽拜賜雲霞之牘如何三逕之寒陋乃辱貳車之寵光恭惟某官人品今代之英典刑前輩之烈有若改陽詹之文行再秀全閩豈使余襄公之功名獨高吾宋偶公朝之重外借賢業於治中風月平分不妨覓詞人之好句雲霄已逼即看綴香案之近班某老矣無堪飯歎自屏所願托青天之庇不勝望紫氣之來蒙投分以先之愧修敬之後矣

賀吉州守王穉川年節啓

臘前梅葉香浮蓮幕之光風勝裡金花寒映椒盤

之嘉頌占履端於天序介盛福於邦君恭惟某官仁行如春名起若日紫山白水小吟冰雪之章金掌玉墀即綴鵷鷺之列某遁身漁釣遠迹門墻耿然寸心之載馳寓諸尺素之善禱

荅常州守陳時中交代啓

仰身冠之執法昔嘗受察於一臺前麟角以續絃今乃合符於三輔初謂戍期之差遠或容書禮之姑徐忽贈言以先之愧修敬之後矣恭惟某官正心修身之學開物成務之才形諸藝文蓋玉振金聲之餘響羅以科目亦鸞翔鳳翥之俯從頃法守

於憲綱稟風生於表著職雖在於去惡心實存於
愛賢故排小人如排邪陰然護善類若護元氣左
右國是慘舒朝端至今未表繫誰之力二年于外
談者不以為宜一節以趨天手將大其用某抱虛
無挾投老盍敏迺初心竊祿於遐陬不自意改轍
於近郡代大匠之斲甚憂其傷告令尹之新必有
其政

答常州李倅啓

效公幹漳濱之卧病心知其拙易獨孤常州之旧
治人豈曰宜所賴分風月之仁賢乃是同草木之

氣類庶乎知免幸矣何多恭惟某官敬簡而居其
全剛毅而養以晦嚴霜烈日之節凜然先正之無
朋故國喬木之臣蔚若象賢之有繼文獻挺挺典
刑存存借未登卿月金掌之班亦合在春風玉笋
之綴乃乘貳廣同理輔藩帝方有開宇宙之心洒
濯斯世公久懷貫日月之氣蘊蓄於中祇召不遐
顯用可必某抱虛無挾投老盍歸迺初心竊祿於
遐陬不自意改轍於近郡負乘豈小人之事夙夜
自危同列得君子之僚細大必請

答常州趙倅啓

折梅而逢驛使未辨一行之書呼童而烹鯉魚先
披尺素之贈風月平等不必更分雲天清明行且
快觀敢修不腆之敬以結平生之驩恭惟某官重
瞳苗裔之英隆準子孫之秀涵今茹古陵三軍於
文士之雄飲水爵水爭一槩於寒儒之苦自足有
立不緣其先頃者南豐之政聲實居江右之最推
惟其盡辭不正之俸是以能鉤莫拔之姦能令諸
公爭出薦口何下乘於貳廣來共理於輔藩祇召
不遐顯用可必某抱壘無挾投老盍飯乃初心竊
祿於遐陬不自意改轅於近郡惟時同列繫我故

人斲鼻端之漫顧雖慙於妙質縮袖間之手亦豈
望於交情

與吉州朱守啓

一麾出守千騎東來入奏自天帝喜其忠信慈惠
之長班春有日民已無歎息愁恨之聲恭惟某官
有德以養其才以學而發於政少而似舅與聞取
河北之謀晚乃作芻誰知經天下之志柳江種柳
衛岳謁衛替其所臨皆有可迷春乃吾郡雄于上
流江山清斯人物茂止世傳東坡送客之句連百
萬艘公有西漢循吏之風良二千石政恐朝夕即

級禁嚴某遠離末光倏忽幾歲詩狂酒聖豈復平生款集之歡夜夢晝思如見向來談笑之狀不圖乘梓乃屈珪符夫何故人之鼎來又逢賤子之行彼所願邂逅洗此鬱陶心則有懷言焉未究

與蔣丞相啓

輔郡去天辱在近長安之地高門拂日則有大丞相之居昔嘗九頌首於下風今乃一交臂而親炙奏假苗憑之記震于喜懼之懷恭惟某官妙學察乎淵泉大忠塞乎健順孔以是傳之益全所付於斯文虞以下迄于周末有盛於吾相貴極上台而

年尚少名滿薄海而貌若無流俗載歎其何傷於日月皇明有覺是以有於袞衣即還奮熙再播化育某頃以容見頗蒙心期惟雲泥之益懸故影響之遂隔自收朝蹟老棄諸侯猶幸是邦之仁賢乃逢平昔之知舊子箕問政不寧求赦小過之規仲尼燕居所願聞集大成之秘

回呂秀州啓

黃帽青鞋方小泊吳松之艇金章玉句忽鼎來携李之邦三讀故人之書辭重拜善鄰之信睦恭惟某官異材而養以晦達學而邇其源實大聲聞鍾

懸千石之簷芒寒色正天垂五緯之星頃檢押於
樞機屢咨諏於原隰物迎之而及解事觸之而風
生上有意於召畋詔斯人而自近聽華亭之鶴不
妨山水之徜徉問省樹之雞即侍禁嚴之清切某
自收朝蹟老棄諸侯大庇焉依知脣亡之必免報
章極陋慚舌在以奚為

常州到任謝執政啓

一麾出守初引疾於清漳再命茲恭忽考功於馮
翊欣去天之無遠感易地之有從伏念某乃心山
林漫仕州縣頃緣諸老頗悅其狷者之風上達四

聰偶隨在勝流之數拔乎靡密未監之列寘彼寒
空鷓鷯之班顧患在於好脩乃忽忘其賈禍又復
妄發不勝汲黯之狂非所宜言正坐漢家之法微
公朝之寬大豈孤迹之全安載言將母之畋有獲
拜州之請既違拱北自分落南有命自天對越十
行之寵舉頭見日悅兮三輔之還謂播物之不公
奚窮人之及此茲蓋伏遇某官道隆開闢忠貫昭
回舉五三六經之微言盡發揮於當世書二十四
考之丕績措遠過於古人旁招逸遺布列中外夫
何近郡輕畀非才某敢不策其鈍頑繼以夙夜仰

誰美意豈詭其俗吏健決之能借曰不功猶守其
腐儒撫字之說

賀范至能參政啓

恭審對越冊書置諸丞弼自初元以至於今日知
政幾二十人求天下之所謂正臣如公統一二輩
嘉與方箕適觀隆平恭惟某官心潛百聖之又玄
身載兩儀而不重屹立西垣之大節間者膽寒盡
護全蜀之中摧凜如虎卧君側之所以頓肅戎心
之所以弗生倬彼厥功誰歟之力繫小試之若爾
則大用之斯何茲四近之延登舉万物而奮奮豫昔

孔孟挾經世之具老於道塗至房杜亦得君之專
窮於禮樂惟道與位有乖無逢妻其古心言之太
息今以君子之有韞乃惟聖主之與遭此而不為
其又奚俟即起虛左之拜永正處中之崇某為貪
所驅懷歆不勇惟半生誠服之知已不在我公豈
自意身墮於鴻鈞無復餘恨翦焉頌語執贄諸涓人
欣驩惟深揆序罔窮

賀陳丞相判建康啓

疇咨上宰居守陪京一相揭日月之光俯江淮而
下燭萬乘分旌旗之半俾夷夏之聳觀恭惟某官

至學潛天孤忠貫日惟其凝然之風度歷萬變而不搖是故坐之於廟堂則四海之自治既道大而難合乃身退而愈高嘯歌古人漁釣丘壑閱諸公之衮衮次第星稀獨一老之堂堂崔嵬山立帝歆起之以自近公雖辭焉而可逃赤舄來朝儼二童而及馬蒼生相賀幸兩鬢之未霜亦奚不留以答斯望其如留籥無易耆英保釐東郊如畢公卧護北門如裴度暫大金陵之燾即青王氏之種某違離門墻荏苒歲月不自意其末路得再見於下風意豁神傾視疇昔而彌厚頭輕目朗覺病身之頓

蘇開府維新賀屢敢後永言善頌式寄所宣

上趙丞相啓

萬物播於大鈞不越一陶之外百穀仰夫膏雨誰非三沐之餘矧惟控地之卑已絕戾天之望所未徧矣有謁可乎伏念某行身多憂嗜學寡要彫一生之肝肺老而未休爭百世之聲名得之奚益寸心霜降而冰落萬事雲凝而風休立朝幾何甚矣其慙補外每易喘焉遑寧奪諸漳濱清涼之鄉隨在延陵煎急之地罷於奔命哀此勞人惟茲作吏及瓜之期近在嗣歲昌歎之節亦思電勉以迄終

更眷乃室家歷十旬而嬰疾稟諸聖善迫八秩以
懷敏念既動而莫收居之安而則否承板輿之意
秋風豈為於鱸魚困任塗之艱夜月孰憐於烏鵲
不有君子其將疇依恭惟某官以雪山玉壘之英
人物千載集紫岩雍國之望文武兼資知天道貴
華而賤夷相吾君振策而御宇當國近爾其聲藹
然傾東海以洗乾坤挽天河而淨兵甲推挽鉅宋
濟登丕平某幸逢筆端膚寸之新敢陳胸中磊隗
之蘊願垂惻若俾脫屯如或昇廬陵近舍之麾不
然間館祝釐之吏野馬也塵埃也一聽造化之氣

氲鼠肝乎蟲臂手咸在肖翹之長育懇款既極鋪
張未詳

嘉定元年春三月男

長孺

編定

端平元年夏五月門人羅

茂良

校正

第 25271 号

平成 3.11.22

聖和学

928

園短大

七

図書館

12

謝辭集卷五十二

冊
 31155
 卷
 大
 冊

